

**Тәрбие сағатының тақырыбы: ” Қазақстан-менің Республика!”**

**Тәрбие сағатының мақсаты:** Оқушыларды Отанды, елді, жерді сүйе туған ел тарихын білуге, қастерлеуге тәрбиелеу. Оқушыларға тәуелсіздіктің қаншалықты қиыншылықпен келгенін түсіндіру, патриоттық сезімге баулу.

**Тәрбие сағатының көрнекілігі:**

1. Желтоқсан көтерілісіне қатысқан халық қаһарманы Қайрат Рысқұлбековтың, Е.Спатаевтың, С.Мұхамеджанова сияқты қазақ жастарының суреттері.
2. Нақыл сөздер жазылған плакаттар.
3. Шарлар, гүлдер, музыкамен жабдықталған.

**Тәрбие сағатының барысы:**

**Мұғалім сөзі:**

Мағжан Жұмабаев  
Мен сенемін жастарға,  
Алаш отын аспанға,  
Шығарар ол бір таңда  
Мен жастарға сенемін.

**Бір минуттық үнсіздік.**

...1986 жыл желтоқсан айының 16 күні болған көтеріліс Қазақстанға Колбиннің жіберілуіен байланысты. 16 желтоқсан күні Қазақстанның бірінші басшылығына Колбиннің тағайындалғанын естігенен соң, Алматыдағы театр және көркемсурет институтының бстуденті қаладағы жоғары оқу орындарының 12 жатақханасын аралап, 17 желтоқсан күні таңертең үкімет үйінің алдындағы алаңға шығуға шақырған. Олар түнімен транспаранттар жазып дайындаған. 300-жуық адам сағат 11 шамасында алаңнан кетіп, қала көшелерін аралады да мыңдаған адам болып алаңға оралады. Түске қарай қызметтегі барлық қызметкерлер жұмыстарын тастап алаңдағы халыққа қосылады. Үкімет шешіміне наразылар, кеудесінде ұлттық намысы, оты бар азаматтар ешкімнің үгітінсіз-ақ алаңға қарай ағылады. Осы көтерілісте Ш.Қалдаяқовтың “ Менің Қазақстаным ” әні орындалады.

**Мұғалім:**

Қаз дауысты Қазбек.  
Қазақ деген халық, мал баққан елміз,  
Жерімізді жау баспасын,  
Елімізден құт қашпасын деп  
Найзамызға үкі таққан елміз.  
Бірақ басымыздан намысты  
Асмырмаған елміз,  
Әкенің айтатын өсиетін балаға,  
Баланың беретін антын анаға,  
Арымнан жаным садаға.

...Небәрі жиырма бір жас жасап, жасындай қысқа ғұмыр кешіп, ұлттық батырымызға айналған Қайрат Рысқұлбеков солардың қатарында ерекше орында. Ол – мойынқұмдықтардың, Жамбыл облысының ғана емес, бүкіл республикамыздың мақтанышы.

Туған ауылы Көктеректе Қ.Рысқұлбековқа ескерткіш ашыларда ақын М.Шахановтың сөзінен мына жолдарды қайталағым келеді.

**1-оқушы:**

Жігеріңмен көктеп өтіп,  
Ұлт мүдесін шекпен нтіп,  
Төбең бір сәт көкке жетіп,  
Өз өлкеңе ескерткіш боп,  
Оралдың ба айдарлым?!  
Қиын сәтте жалау еткен  
Намысын,

Бағың жансын, қайсар ұлым,  
Жанын қиған ар үшін.  
Алматыға Ноғайбайдыңұлы боп  
Аттанып,  
Бар қазақтың мақтаны боп  
Қайта оралған арысым.

Ескерткіш түбіне тамған жас немесе “Жігіттер, үш күн шыдайық. Үш күн ішінде біздің дауысымыз Біріккен Ұлттар Ұйымына жетеді” деген марқосқа еді ғой Қайрат. Қайраттың інісі Рашидтың тұлымы желбіреген қаршадай қызы Кәмшат ескерткіштің түбіне келіп қаһарман ағасының өлеңін:

**2-оқушы:**

Елбеің-елбең жүгірген,  
Ебелек отқа секірген.  
Арғымақ мінген жаратып,  
Ақ сауыт киген темірден  
Алатаудай бабалар.  
Аруағыңмен жебей гөр!  
Күнәдан таза басым бар,  
Жиырма бірде жасым бар,  
Қасқалдақтай қаным бар  
Бозторғайдай жаным бар,  
Аламдесең алыңдар!  
Қайрат деген атым бар,  
Қазақ деген затым бар,  
“Еркек тоқты - құрбандық”  
Атам десең атыңдар.

Деп, бозторғайдай шырылдап тұрып оқығаны... Ескерткішті алқа – қотан қоршаған жұрттың жүректері езіліп жүре берді...

... Иә, Қайраттың қазақы үні өркениеттің құлағына дәл сол күндері жетпесе де кейін дүние жүзін шарлап кете барды. Варшавалық бауырлар КСРО Жоғарғы Кеңесіне Үндеу жолдады. КСРО Жоғарғы Кеңесі Президиумы 23.04.1988 жылы Қ. Рысқұлбековке кешірім жасап, ату жазасын 20 жылға бас бостандығынан айыруға ауыстырады. Бірақ саясат жендеттері жалаңдаған пышағын қойнына жасырып қалған екен. Өлеңі өрт, сөзі серт жас қазақтан қауіптенген олар есіл ерді қапияда қыршынынан қиып тынады.

Қайрат мына өлеңінде:

**3-оқушы:**

... Хош болыңдар ағайын – туыс  
Бәрің де  
Хош болыңдар, жасыңыз да  
Кәрің де,  
Қараңғылық баста тұрмас  
Қашанда,  
Бостандықта кездесеміз әлі де ...

Желтоқсан батырына деген құрмет ешқашан ортайған емес. Оған Елбасымыз Н.Ә. Назарбаев қол қойған Жарлықпен Халық Қаһарманы – нң жоғарғы атағы берілді.

Кезінде дүниені дүр сілкіндірген Желтоқсан көтерілісі әлем жұртшылығы тарапынан әміршіл – әкімшіл, тоталитарлық жүйеге қарсы бағытталған тұңғыш демократиялық қозғалыс деген жоғарғы

баға алғанын баршамыз білеміз.Қазақ жастарының көтерілісі қазақ жұртын әлемге әйгіледі,бодандықтан құртылуға ұмтылған елдер көбейіп,көп ұзамай қуатты империя тасталқан болып, егемен мемлекеттер пайда болды.

### **Әдеби- музыкалық монтаж**

#### **4-оқушы:**

Қазақстан Республикасының жері тұтас, ол бөлінбейді және оған қол сұғуға болмайды.

#### **Ән “Қара бауыр қасқалдақ”**

Сөзі:Е.Раушанов

Әні:І.Оспанов

#### **5-оқушы:**

Хандардың қайталама қателерін,  
“Ұлт бол” деген нығайтып қатарларын  
Мағжан мен Мұхтар, Жүсіпбектің,  
Ұмытпа ешқашанда баталарын.

#### **6-оқушы:**

Төле би  
Уа, халқым, сөз қадірін білесің  
Жаңбыр жаумаса, жер жетім,  
Басшы болмаса, ел жетім.

#### **7-оқушы:**

Әйтеке би  
Биікке шықсаң көзің ашылады,  
Жақсыиен жолдас болсаң,  
Көңілің ашылады.  
Кекшіл болма.  
Кесапаты тиер еліңе.  
Елім өссін десең,  
Өршіл болма – Өркеніңді өшіресің.

#### **8-оқушы:**

Отан туралы. М.Мақатаев  
Мен оның түнін сүйем, күнін сүйем,  
Ағынды өзен, асқар тау, гүлін сүйем.  
Мен оның қасиетті тілін сүйем,  
Мен оның құдіретті үнін сүйем.  
Бар жәндігін сүйемін қыбырлаған,  
Бәрі маған ”Отан” деп сыбырлаған.  
Жаным менің, кеудемді жарып шық та,  
Бозторғайы бол оның шырылдаған.  
Отан, Отан  
Бәрінен биік екен.  
Мен оны мәңгілікке сүйіп өтем ...

#### **Ән “Елім менің” Хор**

*Мақал – мәтелдердің (тәуелсіздік туралы) мағынасын ашу.*

“ Азат елдің аспаны ашық ”

“ Егемен елдің еңсесі биік ”

“ Тәуелсіздік туы - асқақ ”

“ Егеменді ел көркті,

*Бетегелі бел көрікті”*

**Қорытынды:**

**2. Оқушылардың өз сыныптастары алдындағы анты.**  
(мысалы: Отанымды сүйіп өтемін, қорғаймын, т.с.с.)

Біржан сал ауданы  
Мақпал негізгі орта мектебі

**Тәрбие сағаты:**

***Тақырыбы:***  
**«Қазақстан- менің Республикам!»**  
***4 «А» сыныбы***



Өткізген: Досымова Г.А.

2023-2024 оқу жылы